

Broj: 10-14/5-229-18-16/18
Sarajevo, 19.04.2018. godine

Na osnovu člana 64. stav (1) tačka (a) i člana 70. st. (1), (3) i (6) Zakona o javnim nabavkama BiH („Službeni glasnik BiH”, broj:39/14), federalni ministar poljoprivrede, vodoprivrede i šumarstva, d o n o s i

O D L U K U
o izboru najpovoljnijeg ponuđača

I.

Prihvata se preporuka Komisije za javne nabavke po Konkurentskom zahtjevu za dostavljanje ponude za nabavku usluga - **LOT 1** kolektivno osiguranje zaposlenika 24 sata dnevno za period osiguranja, uključujući i neradne dane i okvirni sporazum se dodjeljuje ponuđaču:

„**ASA OSIGURANJE**“ d.d., Sarajevo u iznosu od **7.1178,68** KM bez PDV-a za 12 (dvanaest) mjeseci, za 94 zaposlenika.

II.

Prihvata se preporuka Komisije za javne nabavke po Konkurentskom zahtjevu za dostavljanje ponude za nabavku usluga - **LOT 2** Osiguranja vozila od autoodgovornosti s autonezgodom i puno kasko-osiguranje bez franšize za motorna vozila okvirni sporazum se dodjeljuje ponuđaču:

„**SARAJEVO OSIGURANJE**“ D.D. Sarajevo u iznosu od **4.820,40** KM za 12 (dvanaest) mjeseci.

III.

Ponuđač kojem se dodjeljuje okvirni sporazum dužan je dostaviti dokumente iz člana 45. stav (2) tač. a) i d) navedene tenderskoj dokumentaciji broj: 10-14/5-229-18-1/18 u roku od 5 (pet) dana od dana prijema ove Odluke.

Okvirni sporazum o nabavci dostavit će se najpovoljnijem ponuđaču iz tačke 1. i 2. ove Odluke.

IV.

Ova Odluka će biti objavljena na web stranici Ministarstva, dostaviti će se ponuđačima koji su učestvovali u postupku javne nabavke.

V

Ova Odluka stupa na snagu danom donošenja.

Obrazloženje

Postupak javne nabavke usluga kolektivnog osiguranja zaposlenika pokrenut je Odlukom o pokretanju postupka javne nabavke broj: 01-14/5-229-18/18 od 01.02.2018.godine. Javna nabavka je provedena po konkurentskom zahtjevu za dostavu ponuda u skladu sa članom 88. Zakona.

Procjenjena vrijednost javne nabavke (bez PDV-a): 18.000,00 KM

1. Lot 1.- 12.000,00 KM
2. Lot 2.- 6.000,00 KM.

Objavještenje o nabavci usluga osiguranja objavljeno je na Portalu EJN 20.03.2018. godine pod brojem: 855-7-2-5-3-8/18 i Ispravka obavještenja o nabavci broj: 855-7-2-5-8-11/18 od 20.03.2018. godine.

Komisija za javne nabavke imenovana Rješenjem federalnog ministra poljoprivrede, vodoprivrede i šumarstva broj: 10-14/5-229-2/18 od 27.02.2018. godine, je blagovremeno dostavila Zapisnike o otvaranju, pregledu i ocjeni pristiglih ponuda.

U postupku po izvještaju o radu je utvrđeno da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je uvrđeno za LOT 1 i LOT 2.:

- da je ukupan broj pristiglih ponuda 3 (tri);
- da je blagovremeno zaprimljeno 3 (tri) ponude;
- da nije bilo neblagovremeno primljenih ponuda;
- da su ponude ponuđača: "Sarajevo osiguranja" d.d. Sarajevo i "ASA osiguranja" d.d. Sarajevo, prihvatljive
- da su ponude ponuđača "ADRIATIC OSIGURANJE" d.d. Podružnica Sarajevo neprihvatljive.

Ponude "ADRIATIC OSIGURANJE" D.D. Podružnica Sarajevo su neprihvatljive jer nije dostavio ponudu u skladu sa članom 47. Zakona o javnim nabavkama i tačkom 3.4. tenderske dokumentacije kojom se tražilo:

"da GLAVNI račun u zadnjih 12 (dvanaest) mjeseci, prije podnošenja ponude nije bio blokiran. Navedene potvrde ne mogu biti starije od datuma objave Obavještenja o nabavci, na portalu javnih nabavki".

Dokazi koji su se zahtijevali u TD su:

"potvrda poslovne banke o GLAVNOM otvorenom računu, kojim će ponuđač dokazati da GLAVNI račun u zadnjih 12 (dvanaest) mjeseci, prije podnošenja ponude nije bio blokiran. Navedene potvrde ne mogu biti starije od datuma objave Obavještenja o nabavci, na portalu javnih nabavki".

Komisija je utvrdila da je Obavještenje o nabavci broj brojem: 855-7-2-5-3-8/18 i Ispravka obavještenja o nabavci broj: 855-7-2-5-8-11/18 od 20.03.2018. godine.

Uvidom u ponudu "ADRIATIC OSIGURANJE" d.d. Podružnica Sarajevo ovaj organ je utvrdio da je ponuđač dostavio Potvrdu UniCredi Bank broj:06-2-P-745/18 od 12.03.2018. godine, kojom potvrđuje da račun Adriatic osiguranje d.d. sa sjedištem u ulici Trg međunarodnog prijateljstva 20. nije bio blokiran u zadnjih 12 mjeseci od datuma izdavanja potvrde.

Priložena potvrda je izdata 8 DANA prije datuma objave Obavještenja, ne ispunjava zahtjev postavljen u tenderskoj dokumentaciji i čini potvrdu ponuđača Adriatic osiguranje d.d Sarajevo neprihvatljivom.

Ponuđač "ADRIATIC" d.d. Sarajevo nije dostavio ponudu u skladu s članom 57. Zakona o javnim nabavkama, nepridržavajući se zahtjeva i uslova iz tenderske dokumentacije i, kao takva je ocjenjena neprihvatljivom i odbačena je u skladu s članom 68. stav (1) Zakona o javnim nabavkama.

Tenderskom dokumentacijom u tački 3.4. propisan je uslov u skladu s članom 47. Zakona o javnim nabavkama, kojim se dokazuje ekonomska i finansijska podobnost kandidata "potvrda poslovne banke o GLAVNOM otvorenom računu, kojim će ponuđač dokazati da GLAVNI račun u zadnjih 12 (dvanaest) mjeseci, prije podnošenja ponude nije bio blokiran. Navedene potvrde ne mogu biti starije od datuma objave Obavještenja o nabavci, na portalu javnih nabavki".

Iz navedenog, neosporno proizilazi da potvrda koju je dostavio ponuđač "Adriatic osiguranje" d.d. Sarajevo nije potvrda poslovne banke da GLAVNI račun u zadnjih 12 (dvanaest) mjeseci, prije podnošenja ponude nije bio blokiran, računajući period od datuma od datuma objavljivanja obavještenja o nabavci a to je 20.03.2018. godine i ne ispunjava zahtjev postavljen u tenderskoj dokumentaciji i čini potvrdu ponuđača "ADRIATIC" d.d. Sarajevo neprihvatljivom.

Rang lista nakon primjene kriterija ekonomski najpovoljnija ponuda:
za LOT 1.

R. b.	Naziv ponuđača	Cijena	Broj bodova	Rok isplate štete	Broj bodova	Rok plaćanja	Broj bodova	Ukupno bodova
1.	"ASA osiguranje"	7.117,68	60,00	1 r/d	20,00	60 dana	20,00	100,00
2.	Sarajevo osiguranje"	11.280,00	37,86	1 r/d	20,00	60 dana	20,00	96,48

Nakon stručnog razmatranja, ocjene i dostavljenih ponuda za pružanje usluga kolektivnog osiguranja zaposlenika 24 sata dnevno za period osiguranja, uključujući i neradne dane – LOT 1. koje zadovoljavaju uslove iz tenderske dokumentacije broj:10-14/5-229-18-1/18, Komisija za javne nabavke je u skladu sa kriterijem ekonomski najpovoljnija ponuda, utvrdila da je najpovoljniji ponuđač za pružanje usluga kolektivnog osiguranja zaposlenika 24 sata dnevno za period osiguranja, uključujući i neradne dane za potrebe Federalnog ministra poljoprivrede, vodoprivrede i šumarstva ponuđač "**ASA osiguranje**" d.d. Sarajevo, jer zadovoljava tehničke i ekonomske uslove iz tenderske dokumentacije i ne prelazi procijenjenu vrijednost za predmetnu nabavku.

Izabrani ponuđač je, kako je gore navedeno, ocijenjen sa ukupno 100,00 bodova, dok je drugi ponuđač "Sarajevo osiguranje" d.d. Sarajevo ostvario 96,48 bodova.

Rang lista nakon primjene kriterija ekonomski najpovoljnija ponuda:

za LOT 2.

R. b.	Naziv ponuđača	Cijena	Broj bodova	Rok isplate štete	Broj bodova	Rok plaćanja	Broj bodova	Ukupno bodova
1.	"Sarajevo osiguranje"	4.820,40	60,00	1 r/d	20	60 dana	20	100,00
2.	"ASA osiguranje"	6.471,92	44,69	1 r/d	20	60 dana	20	84,69

Nakon stručnog razmatranja, ocjene i dostavljenih ponuda za pružanje usluga osiguranja vozila od autoodgovornosti s autonezgodom i puno kasko-osiguranje bez franšize za motorna vozila – LOT 2. koje zadovoljavaju uslove iz tenderske dokumentacije broj:10-14/5-229-18-1/18, Komisija za javne nabavke je u skladu sa kriterijem ekonomski najpovoljnija ponuda, utvrdila da je najpovoljniji ponuđač za pružanje usluga osiguranja vozila od autoodgovornosti s autonezgodom i puno kasko-osiguranje bez franšize za motorna vozila za potrebe Federalnog ministra poljoprivrede, vodoprivrede i šumarstva ponuđač "**Sarajevo osiguranje**" d.d. Sarajevo, jer zadovoljava tehničke i ekonomske uslove iz tenderske dokumentacije i ne prelazi procijenjenu vrijednost za predmetnu nabavku.

Izabrani ponuđač je, kako je gore navedeno, ocijenjen sa ukupno 100,00 bodova, dok je drugi ponuđač "ASA osiguranje" d.d. Sarajevo ostvario 84,69 bodova.

Iz navedenih razloga, a primjenom člana 64. stav (1) tačka a) Zakona o javnim nabavkama kao najpovoljniji ponuđač:

- za LOT 1. izabran je "ASA OSIGURANJE" Sarajevo, na iznos od **7.117,68 KM** za 12 (dvanaest) mjeseci, a
- za LOT 2. kao najpovoljniji ponuđač za LOT 1. izabran je "SARAJEVO OSIGURANJE" Sarajevo, na iznos od **4.820,40 KM** za 12 (dvanaest) mjeseci.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača te ocjenu prispjelih ponuda, shodno kriterijima iz tenderske dokumentacije.

U provedenom postupku nisu nađene nepravilnosti niti propusti u radu, koji bi eventualno bili osnov za neprihvatanje preporuke Komisije za javnu nabavku usluga kolektivnog osiguranja zaposlenika.

U skladu sa članom 64. stav (1) tačka a) Zakona o javnim nabavkama, podzakonskim aktima, internim aktima i tenderskom dokumentacijom, odlučeno je kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba Federalnom ministarstvu poljoprivrede, vodoprivrede i šumarstva, u roku od 5 (pet) dana od dana prijema ove Odluke.



MINISTAR
mr. sc. Semsudin Dedić

Dostaviti:

- Svim ponuđačima,
- Sektor za finansije i računovodstvo
- komisija za javne nabavke
- a/a.